

milliaria cum dimidiato ad occasum distat) obvertitur, plana est, frugibus, gramine, piscium captura, sed non ericeto, nec glebis felix. Navigantibus ab Euro, vel ab Austro ad Orcadas, velut Pharum, ad quam recta cursum dirigant, sese exhibet, variis frequentatur avibus, Holmamque sibi prope adjacentem; ad Boream vero, è mari prominentem, & à Coupinsa aquis disjunctum, excelsum scopulum herbidum, (vulgo, *the Horse of Coupinsa*) id est, equum Coupinsæ dictum, habet.

In tractu hoc Deernenfi frequentia sunt ædificia, inter quæ, unum Brabister dictum, eminet; & è regione sinus Deernenfis ad occasum est alterum, Seba appellatum. In Parochia, quæ vulgo Ham dicitur, non longe à Lamholme, (de quo supra) ad septentrionem in Pomona est insigne quoque ædificium, magna ex parte ex lapide friabili constructum, cum templo rustico, satis frequentato, cui uni unus minister præest. Apud Tankernes quoque est & altera domus, satis ampla, & templum à Divo Andrea cognominatum, cui, & templo, quod in Deernes est, unicuique infervit minister: Hinc, usque ad unicum in Orcadibus quod est oppidum, ante & utrinque varia sparguntur ædificia rusticana, variis commodis, pro more patriæ, bene instructa.

Oppidum
Kirkwall.

Oppidum Dani, quorum in Ditione Orcades diu fuerunt, Cracoviacam appellabant; nunc nomine corrupto, *Kircwa* Scotis, & incolis aliquando *Kirkwall*; sed sapius, ut Scotis *Kircwa*, dicitur, ad quadringentos mille passus & ultra in longitudinem patens, & una platea contentum. Frequentia satis habet ædificia, quædam humilia, quædam vero sublimius assurgentia, & fortiter ex lapidibus natura quadratis, & in laminas sponte sese diffidentibus (quomodo & omnibus aliis Orcadum insulis se res habet) ex lateribus quasi, qualibus Hollandis est in usu, exstructa.

Kircwa Castellum Regium erat aliquando fortissimum, omnibus ad obsidionem propulsandam, ad oppidanorum bona eo immissa conservanda, necessariis rebus, præcipue tormentis bellicis, longe undequè glandes ferreas ejaculantibus, adornatum: in ipsis visceribus murorum, (adeo erant crassi) cubacula plurima venusta, inædificata fuerunt. Hodie vero altera ejus pars (altera autem demolita est) Regiæ iræ monumentum & demonstratio mortalium oculis objicitur. Non longe ab hoc Castello sunt ædes pulcherrimæ, impensis Roberti Rhedi, Orcadum, tempore Mariæ Scotorum Reginæ, Episcopi: prope quas videre est ædificium magnificentissimum, magno molimine, multisque sumptibus exstructum, sed propter Authoris illius, potentis Comitis Orcadum, Patricii Stuarti, Regio sanguine oriundi, præproperam mor-

Scotia.

tem, ad propositum finem non perductum. His ædibus adjacent horti tres amœnissimi, & in uno ex his, arbores quædam, sed fructum maturum nunquam producentes, neque præterquam hic, & in Hoiâ, (ubi non tam arbores, quam arbuscula crescunt) in omnibus Orcadum insulis ulla arbor, aut frutex cernitur. Et ab his hortis etiam totus hic tractus, ædes Comitis & Episcopi olim, nunc vero Ministri, continens, vulgari Orcadensium, nomine, (*the place of the yards*), id est, locus hortorum, dicuntur.

Inter palatium autem & Regium castellum situm est templum à Divo Magno (qui primus ad has insulas Christi Evangelium attulisse perhibetur) cognominatum, & ut in illis locis, satis magnificum, prælongum, sed angustum, ex lapidibus validissimis, & mira arte politis, exstructum, superius fornicatum, nisi in tribus columnis occasum versus, recentius exædificatis, ad intercipiendum (ut incolæ tradunt) conspectum Castelli ab intuitu Palatii (sive ædium Episcopi) ne alterum ab altero demoliretur, per internecina odia, quæ Regiis hominibus, cum Episcopalibus, intercedebant. In turre Templi tanta est viarum ambages; ut ignari, eo semel, nisi à loci gnaro, velut filo Ariadnæo, reducerentur, vix unquam egrederentur. Campanis, harmonice sonantibus, & undique à longe auditis, templum hoc exornatur: estque tantæ validitatis, ut centum Viri, necessariis instructi, (amoveantur si bellica instrumenta majora) contra mille, facile hoc templum propugnare possent: Cui unus tantum Concionator cum Anagnoste publico intendit. Hic *Kircwa* Schola Latina publica, multæque vernaculæ privata, juventuti instituendæ, vigent; & quotannis ad tertium post Calendas Augusti, nundinæ Divi Olai (Norvegus qui fuit, & hic apud Orcadas Evangelium prædicasse, dicitur) triduanæ celebrantur. Ab hoc templo, usque ad littus, (olim urbs Regia quæ dicebatur; ut pars oppidi, à templo meridiem versus, vocabatur Episcopalis; nunc hæ appellationes apud Incolas in desuetudinem abiire) variis optimis ædificiis cum sacello, capite trunco, ponte, & domo, Regiis vectigalibus accipiendis, frequens est *Kircwa*. Portus est, ad borealem oppidi plagam, amplus, & *Naustathmus*, ad quem ingressæ semel naves aut cymbæ, ad litoris oram (*Æro* illi vocant) tutissime, etiam asperrima hyeme, resident.

Ab oppido circiter bis mille passus, ad occasum, trans *Naustathmum* *Kircwa* est mons altissimus, *Wyfel-Hill* nuncupatus vulgo, in cuius vertice posita est, magnæ ericæ & cespitum strues, qua, igne accensa, si quid periculi immineat oppido, confestim omnibus insulis Orcadum (nam omnibus hujus montis fastigium